

Ig Prins Wim de ieësjte, Prins van ut Keeschjeriek, Hertog van de Dörpstroat, Groaf van oud Cafe Meyers, Ridder in de orde van Jacotech en de Hermenie.

Verkloar hiebie trouw te blieve aan ut Keeschjeriek en aan al zien wette.

Zo waarlik helpe mig ut masker.

Ich goan in 2026 (twieëdoezend zusentwintig) regere euver alle Knup en Knupkes van Bengelder.

Hoapelik zurgt gier same mit mich d'r vuur dat de kommende Vasteloavend weer goot zal schjlage.

Hiebie wil ig noe euver gaon mit ut veurlese van mien 11 (illuf) Vasteloavendswette:

- Ten ieësjte: Es 62e (twieënzestigste) Prins van de Keescheknup wil ich, same mit miene wieze Raod van Elf, d'r vuur zurge dat vur er samen weer un onvergeatelijk Vasteloavendsseizoen van maken.
- Ten tweëde: Ziën ich michzelf als de gastheer van de Keeschuknup, dat is namelik oog een functie van de Prins. Doarom wil ig er dan oog veur eederein zin in ut durp.
- Ten driede: Ig wil geer jiekereen erbie betrikken dizze vasteloavend, Zieker de luuj in mien naaste omgeaving. Ich doon een oproop aan jiekereen in os "ouwe" stukske Bengelder (Greuneweag, Kneikuilerweag, begin Dörpstroat) en natuurlijk oog de rest van Bengelder om dizze vasteloavend samen mit os te vieren.
- Ten veerde: Omdat ig heel good kin plat kalle, wil ig dan oog dat gier allemaol plat kalt dizze vasteloavend. Went ur luuj zint die sommige weurt neet weten, die kinnen altied bie mig tereg.
- Ten vijfde: Omdat ig waal van un fieëske hout mit goeie muziek, hoop ig dat Zate Hermenie 't Kumpt os oog dit joar weer muzikaal zal gaon vergezelle.
- Ten zusde: Zal ig ug beloave dat ig neet goan zingen! Dit is natuurlijk een ganse teagenstelling mit ozze vurige Prins Kenny, mer leef luuj, ig zal ug in bescherming numme, het schient namelijk dat ig de moat neet kin houte, teskte vergeat of verkierd zing, en last but not least: ig zing valsj. Dus dat geet hem neet weren.
- Ten zieëvende: Wil ig mig es Prins zo actief meugelijk inzitten veur de samenwerking mit ozze buurtverenigingen. Ig geleuf er heilig in dat ene goeie toekomst er inzit mit samenwerking. Elkaar versterken, ondersteunen en er zin veur elkaar.
- Ten achste: Bin ig er trots p om hie te stoan als import Hollenjer. Ig hub de vasteloavend liere kenne als een wonjerschoene traditie wo Limburg riek aan is. De sjonste provincie om in te wonen en te leave.
- Ten neugende: Ving ig ut belangriek dat alle kinger mitdoon dizze vasteloavend, Ut sjonste fieest moog nooit verloare goan en zal doër jong en oud gevierd motte weren.
- Ten tieënde: Wil ig oog de aandacht geave aan luuj die in een angere situatie zitten. De meeste van ug zulle de documentaire 'noa ut zuuje' waal kinne. Dit heat mich als boetestaonder de oage geoepend wat de vasteloavend veur sociaal aspect mit zich mitbringt. Prachtig.
- Ten ellefde: Miene zoon Tobias is in 2019 (Twieëdoezend neugentieën) jeugdprins geweas. Dit woar veur hem en os een geweldige ervaring. Loate we het dit joar nog ins dubbel en diek euverdoon!

Oetgegeave in ut ontmoetingsscentrum,
Op de tiende van de ieësjte, 2026 (Twieëdoezend
zusentwintig)
Ich Prins Wim de ieësjte, Alaaf
Keescheknup, Alaaf
Bengelder, Alaaf!

